

Radononza generala extraordinaria dalla Pleiv catolica romana s. Martin Trun

Protocol dils 21 da november 2018 allas 19.30 uras en l'aula dalla scola Trun

1. Beinvegni, approvaziun dalla gliesta da tractandas

Il president fa in cordial beinvegni a tuts presents. In special beinvegni fa el a nies plevon sur Tomasz ed al president communal Dumeni Tomaschett. Denter nus sesanflan ils conjugals Nora e Samuel Zürcher-Gasser, oz affittaders dil beneficiat. Els vegnan a s'absentar suenter l'orientaziun dalla tractanda 4.

Perstgisas: Isabelle Defuns, Gieri Martin e Rita Maissen, Esther Tomaschett, Giusepina Bundi
La gliesta da tractandas ei stada publicada 2 gadas, l'emprema gada el feagl official nr. 45 dils 9 da november 2018 e nr. 46, pia pli ch'il termin da 10 dis tenor art. 16 da nossa constituziun.

La gliesta da tractandas vegn approvada unanimamein sco publicada.

2. Elecziun da dus dumbravuschs

Sco dumbravuschs vegnan elegi unanimamein Luregn Matias Pfister e Giusep Defuns.

3. Protocol dalla radunonza generala dils 11 d'avrel 2018

Il protocol ei staus mess a disposiziun per leger en canzlia.

Il protocol dalla radunonza generala dils 11 d'avrel 2018 vegn approbaus unanimamein.

Cordial engraziament all'actuara Olivia Pfister-Tgetgel.

4. Fundaziun Pervenda Nossadunna dalla Glisch Trun, parcella nr. 1859 a Caltgadira **- decisiun pertuccont dretg da baghegiar limitau per il beneficiat (*casa pervenda*)** **cun Nora e Samuel Zürcher-Gasser**

Il president Serafin Rensch orientescha sur dils motivs che plaidan per in dretg da baghegiar sco era las contractivas cun ils cumpraders dil dretg da baghegiar e cun igl Ordinariat episcopal. Cunquei ch'igl Ordinariat lai da principi buca pli tier da vender objects e parcelas ein ins secunvegni da far in dretg da baghegiar per 40 onns.

Cun la brev dils 19 d' october 2018 ha il vicari general, sur dr. Martin Grichting, dau il consentiment da conceder alla famiglia Zürcher in dretg da baghegiar limitau sin 40 onns.

La parcella ha ina grondezia da 2641 m² e sesanfla en la zona dil vitg. Il dretg da baghegiar cumpeglia la casa nr. 321 sco era ina surfatscha da ca. 2002 m².

Il contract da vendita, elaboraus dalla suprastonza dalla pleiv ed approbaus dil cudisch funsil Cadi, vegn prelegius.

Ei vegn fatg diever dalla discussiun. Differentas personas engrazian alla suprastonza dalla pleiv ch'els dattan la pusseivladad ad ina famiglia giuvna da prender dimora en vischnaunca.

Ils conjugals Zürcher s'absentan dalla votaziun.

Votaziun per dar il dretg da baghegiar limitau sin 40 onns

Total presents:	31 personas
persuenter:	31 vuschs
encunter :	0 vuschs
s' abstrahau dalla vusch:	0 vuschs

Conclus:

La radunonza generala extraordinaria surdat, cun consentiment digl Ordinariat episcopal, il dretg da baghegiar limitau per 40 onns sin ina part dalla parcella 1859 (2002 m2) cun il baghetg nr. 321 en possess dalla Fundaziun Pervenda Nossadunna dalla Glisch alla famiglia Nora e Samuel Zürcher-Gasser, Trun.

5. Orientaziuns

- **Organist:** Nies premurau organist Albert Decurtins ha abdicau sco organist per la fin da november. Proxima dumengia vegn el undraus suenter messa. Sin igl inserat el fegl uffical ed ella gasetta ei negin s'annunziou. Cun divers discuors ei sedau ina sligiazion sco suonda: Clau Scherrer segida ca. 2 dumengias al meins, Jacinta Jacomet-Lombriser da Mustér ina dumengia al meins, Albert segida sco ei fa basegns e sco sias forzas lubeschan. Duront survetsch da sepulturas surpen Albert tochen primavera, Claudio Simonet segida silsuenter.
- **Rusari da morts:** Victor Tuor ha abdicau sco menader da rusari ed il riug da sepultura. Ad el in cordial Dieus paghi pil survetsch prestau. Niev vegn dunna Isabelle Defuns-Gamboni a s'engaschar e segidar cun Giusep Defuns ed il president.

Sur Tomasz:

- **Model 1+1+x:** il niev plan d'instrucziun preveda ina lecziun ductrina ed ina lecziun etica per jamna. Ils scolars visetan in'ura supplementara che vegn instruida ensemen culla catacheta Isabelle Defuns en fuorma da project.

6. Varia

Manuela Schwarz metta en runda il patratg da spustar la sontga Creisma sil scalem ault, cura ch'ils affons ein pli madirs e capeschan meglier.

Il president siara la radunonza cun engraziar alla vischnaunca pil diever dall'aula ed al pedel Lotar Tomaschett per endrizzar l'aula.

Ils conjugals Zürcher envidan tuts presents per in sitg el café Tschut.

Trun, ils 21 da november 2018

L'actura: Olivia Pfister-Tgetgel

Visau dil president: Serafin Rensch